

izgrađena komunalna infrastruktura, instalacije za zajedničko i pojedinačno korišćenje.

3. Uređenje građevinskog zemljišta vrši se prema Programu uređenja. Minimalni obim uređenja građevinskog zemljišta je:

- snadbijevanje vodom i odvođenje otpadnih voda,
- priključak na elektroenergetsku mrežu,
- izgradnja prilaznog puta do građevinske parcele.

#### Član 12.

b) Korišćenje građevinskog zemljišta:

1. Građevinsko zemljište na području Regulacionog plana ustupa se samo u svrhu izgradnje ili revitalizacije trajnih objekata predviđenih Regulacionim planom.
2. Građevinsko zemljište može se dati na korišćenje ako je uređeno ili će se urediti u roku od jedne godine.
3. Neuređeno građevinsko zemljište može se dati na korišćenje samo ako se njegovo uređenje osigura ugovorom između korisnika zemljišta i Općine, odnosno ovlaštene organizacije.
4. Ugovorom se utvrđuje obim uređenja zemljišta, koji ne može biti manji od obima uređenja predviđenog Regulacionom planom. Ugovor mora da sadrži rok uređenja i garanciju.

#### Član 13.

Ova Odluka o Izmjeni i dopuni Regulacionog plana „Rasadnik“ u Goraždu stupa na snagu osmog dana od objavljivanja u „Službenim novinama Općine Goražde“.

Broj:01-02-1-4469

Goražde, 31.10.2013. godine

**ZAMJENIK PREDSEDavajuće VIJEĆA**

Čeljo Senad dipl. pravnik

## 1090

Na Osnovu člana 34. stav 2. i člana 36. stav 2. Zakona o komunalnim djelatnostima („Službene novine Bosansko- podrinjskog kantona Goražde“, broj: 9/13) i člana 18. i 84. Statuta Općine Goražde („Službene novine Bosansko- podrinjskog kantona Goražde“, broj: 13/07), Općinsko vijeće Općine Goražde na 11. redovnoj sjednici, održanoj dana 31.10.2013. godine, d o n o s i:

### ODLUKU

**o potrebnoj dokumentaciji i načinu ostvarivanja prava na oslobađanje od plaćanja komunalne naknade i određivanju vrijednosti boda komunalne naknade za 2013. godinu**

#### Član 1.

Ovom Odlukom određuje se sadržaj i obim potrebne dokumentacije za oslobađanje od plaćanja komunalne naknade i vrijednost boda komunalne naknade za 2013. godinu.

#### Član 2.

Lica koja primaju stalnu socijalnu pomoć i lica čija ukupna primanja po domaćinstvu ne prelaze iznos najniže penzije u Federaciji Bosne i Hercegovine mogu podnijeti zahtjev za ostvarivanje prava na oslobađanje od plaćanja komunalne naknade do 31.01. tekuće godine.

#### Član 3.

Uz zahtjev za oslobađanje od plaćanja komunalne naknade podnosilac zahtjeva je dužan podnijeti sljedeću dokumentaciju:

- Potvrdu da prima stalnu socijalnu pomoć;
- Ček od penzije za mjesec koji prethodi podnošenju zahtjeva;
- Potvrdu da se podnosilac zahtjeva i članovi njegovog domaćinstva nalaze na evidenciji Zavoda za zapošljavanje BPK Goražde;
- Uvjerenje o katastarskom prihodu za poljoprivredno zemljište;
- Potvrdu mjesne zajednice da kuću ili stan ne koriste treća lica po bilo kom osnovu;
- Uvjerenje izdato od nadležne porezne uprave o visini mjesečnih primanja po osnovu davanja u zakup nekretnina;
- Kućnu listu;
- Fotokopije ličnih karata članova domaćinstva;

**Član 4.**

Za 2013. godinu pravo na oslobađanje od plaćanja od komunalne naknade utvrdit će se kroz postupak utvrđivanja visine komunalne naknade po pojedinom obvezniku.

**Član 5.**

Vrijednost boda komunalne naknade za 2013. godinu utvrđuje se u iznosu od 0,07 KM.

**Član 6.**

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-4471

Goražde, 31.10.2013. godine

**ZAMJENIK PREDSEDavajuće VIJEĆA**

Čeljo Senad dipl. pravnik

**1091**

Na osnovu člana 18. i 84. Statuta Općine Goražde ("Službene novine BPK-a Goražde", broj: 13/07), i člana 12. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde ("Službene novine Općine Goražde", broj: 06/12), Općinsko vijeće Općine Goražde na 11. redovnoj sjednici, održanoj dana 31.10.2013. godine ,  
**d o n o s i :**

**O D L U K U**

**o davanju u zakup garaže u vlasništvu Općine Goražde**

**Član 1.**

**Općina Goražde** neposrednom pogodbom daje u zakup, na određeno vrijeme, na rok od 5 godina, garažu broj 17, koja se nalazi u Ulici 1. drinske brigade bb u Vitkovićima, **Marić Desanki** iz Vitkovića za smještaj putničkog vozila, uz mjesečnu zakupninu od **17,00 KM + PDV**, što ukupno iznosi **19,89 KM**.

**Član 2.**

Ovlašćuje se Načelnik Općine da zaključi Ugovor o zakupu garaže iz člana 1. ove Odluke, kojim će se regulisati bliža prava i obaveze ugovornih strana.

**Član 3.**

Ukoliko Općina Goražde sa licem iz člana 1. ne zaključi Ugovor o zakupu ove garaže u roku od 30 dana od dana stupanja na snagu ove Odluke, ista prestaje da važi.

**Član 4.**

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-1-4466

Goražde, 31.10.2013. godine

**ZAMJENIK PREDSEDavajuće VIJEĆA**

Čeljo Senad dipl. pravnik

**1092**

Na osnovu člana 13. Stav 2. Alineja 3. Zakona o principima lokalne samouprave u Federaciji Bosne i Hercegovine ( „Službene novine Federacije Bosne i Hercegovine“, br: 49/06), člana 35. Zakona o prostornom uređenju i građenju Bosansko-podrinjskog kantona Goražde („ Službene novine Bosansko-podrinjskog kantona Goražde, br:15/09 i 04/13) i člana 18. I 84. Statuta Općine Goražde („ Službene novine Bosansko-podrinjskog kantona Goražde“,broj. 13/07) Općinsko vijeće Općine Goražde, na 11. redovnoj sjednici, održanoj dana 31.10.2013. godine, **d o n o s i :**

**O D L U K U**

**O USVAJANJU I PROVOĐENJU IZMJENA  
REGULACIONOG PLANA "CENTAR" - GORAŽDE  
I UVODNE NAPOMENE**

**Član 1.**

Ovom Odlukom usvajaju se Izmjene Regulacionog plana „ Centar“ („ Službene novine BPK-a br: 4/98 i 4/06“) te utvrđuju uslovi za njegovo provođenje (u daljem tekstu : Plan), a naročito:

- granice prostorne cjeline;
- urbanističko - tehnički uslovi za izgradnju građevina po namjenama;
- odnos prema postojećim građevinama;
- uslovi za izgradnju pomoćnih građevina;
- uslovi za postavljanje privremenih objekata;
- uslovi za formiranje građevinskih parcela;
- uslovi za uređenje građevinskog zemljišta;